

<https://hstryres.uz/journal/index.php/makro>

2026, № 3 (15)

ISSN-3030-3761



ТАРИХИЙ ТАДҚИҚОТЛАР
Илмий журнали

ИСТОРИЧЕСКИЕ ИССЛЕДОВАНИЯ
Научный журнал

HISTORICAL RESEARCHES
Scientific journal

ТОШКЕНТ-2026

Бош муҳаррир:
Главный редактор:
Chief Editor:

Юнусова Хуршида Эркиновна
тарих фанлари доктори, профессор
Ўзбекистон Миллий университети

Бош муҳаррир ўринбосори:
Заместитель главного редактора:
Deputy Chief editor:

Шакиров Иляс Рахимзянович
т.ф.ф.д., (PhD)
Ўзбекистон Миллий университети

ТАҲРИР ҲАЙЪАТИ
РЕДАКЦИОННАЯ КОЛЛЕГИЯ
EDITORIAL BOARD

Сагдуллаев Анатолий Сагдуллаевич
тарих фанлари доктори, профессор, Академик
Ўзбекистон Миллий университети
Сулейманов Рустам Хамидович
тарих фанлари доктори, профессор
Ўзбекистон Миллий университети
Муминов Алишер Гаффарович
Сиёсий фанлари доктори, профессор
Ўзбекистон Миллий университети
Зуев Андрей Сергеевич
тарих фанлари доктори, профессор
Новосибирск Давлат университети
Ишанхуджаева Замира Райимовна
тарих фанлари доктори, профессор
Ўзбекистон Миллий университети
Кобзева Ольга Петровна
тарих фанлари доктори, профессор
Ўзбекистон Миллий университети
Холиқулов Ахмад Баймаҳаматович
тарих фанлари доктори, профессор
Ўзбекистон Миллий университети
Габриэльян Софья Ивановна
тарих фанлари доктори, доцент
Ўзбекистон Миллий университети
Убайдуллаева Барно Машрабжоновна
тарих фанлари доктори, доцент
Ўзбекистон Миллий университети
Очилдиев Файзулла Бобоқулович
тарих фанлари доктори, профессор
Ўзбекистон Миллий университети
Саидбобоев Зокиржон Абдукаримович
тарих фанлари доктори, профессор
Ўзбекистон Миллий университети
Азизов Илдар Рафаэлевич
Сиёсий фанлари доктори (DSc), доцент
Бизнес ва тадбиркорлик Олий мактаби

Гаффоров Шокир Сафарович
тарих фанлари доктори, профессор
Самарқанд давлат университети
Сиддиков Равшан Бердимуратович
тарих фанлари номзоди, доцент
Ўзбекистон Миллий университети
Тухтабеков Козимбек Азимбекович
тарих фанлари номзоди, доцент
Ўзбекистон Миллий университети
Бабабеков Акбар Давурбаевич
тарих фанлари бўйича фалсафа доктори (PhD)
Ўзбекистон Миллий университети
Бахранов Шерзод Таштурсунович
тарих фанлари бўйича фалсафа доктори (PhD)
Жамоат ҳафсизлиги университети
Алиазарова Дилдора Валишеровна
тарих фанлари бўйича фалсафа доктори (PhD), доцент
Ўзбекистон Миллий университети
Холиқулова Шахноза Боймуҳамматовна
тарих фанлари бўйича фалсафа доктори (PhD), доцент
Навоий Давлат педагогика институти
Нормуродов Дилмурод Раҳматуллаевич
тарих фанлари бўйича фалсафа доктори (PhD), доцент
Ўзбекистон Миллий университети
Абдулаева Нигора Санжаровна
тарих фанлари бўйича фалсафа доктори (PhD), доцент
Америка технологиялар университети
Тоғаев Жасур Эркинович
тарих фанлари бўйича фалсафа доктори (PhD), доцент
Ўзбекистон Миллий университети
Усаров Умид Абдумавлянович
тарих фанлари бўйича фалсафа доктори (PhD), доцент
Ўзбекистон Миллий университети
Эшқувватов Бобир Валикул ўғли
тарих фанлари бўйича фалсафа доктори (PhD), доцент
Ўзбекистон Миллий университети

Контакт редакции журнала
Город Ташкент, улица Мирзо Голиба,
Исторический факультет
Национального Университета
Узбекистана имени Мирзо Улугбека
Web: <https://hstryres.uz/journal/>
E-mail: I.Shakirov91@mail.ru
Тел: +998900382203

Contact Editors of journal
Tashkent city, street of Mirzo Golib,
Faculty of history of the National
university of Uzbekistan named after
Mirzo Ulugbek
Web: <https://hstryres.uz/journal/>
E-mail: I.Shakirov91@mail.ru
Phone: +998900382203

МУНДАРИЖА / СОДЕРЖАНИЕ / CONTENT

1	Abduvoidova Ruxshonaxon Akramjon qizi SHAYBONIY HUKUMDORLARINING BIRINCHI VA OXIRGI BIRLASHTIRGAN JANG – JOM JANGI	5
2	Abdullayev Akmaljon Hasanboy o‘g‘li MANG‘ITLAR SULOLASI HUKMDORLARINING TASHQI QIYOFASINI TIKLASHDA SUN‘IY IDROKNING IMKONIYATLARI	10
3	Адилов Абдор Анварович ЯНГИ ИҚТИСОДИЙ СИЁСАТ (НЭП) ВА СОВЕТ ДАВЛАТИНИНГ ДИНИЙ СИЁСАТИ ТАРИХИДАН	16
4	Бабаджанов Хасан Бахтиёрлович ИККИНЧИ ЖАҲОН УРУШИ ДАВРИДА ЎЗБЕКИСТОН ЁҒ-МОЙ САНОАТИ	27
5	Бахранов Шерзад Таштурсунович ЎЗБЕКИСТОН ССРДА БУҒДОЙ НАВЛАРИНИ ЎРГАНИШ ВА ИЗЛАНИШ ИШЛАРИ ТУҒРИСИДА	36
6	Габриэльян Софья Ивановна ОБЩЕСТВЕННО-ПОЛИТИЧЕСКОЕ РАЗВИТИЕ ИРАНА ВО ВТОРОЙ ПОЛОВИНЕ XX ВЕКА	43
7	Дорошенко Татьяна Ивановна ДЕЯТЕЛЬНОСТЬ МЕЖДУНАРОДНЫХ БЛАГОТВОРИТЕЛЬНЫХ ОРГАНИЗАЦИЙ В ТУРКЕСТАНЕ В ГОДЫ ПЕРВОЙ МИРОВОЙ ВОЙНЫ	53
8	Ishanxodjayeva Zamira Raimovna IKKINCHI JAHON URUSHI YILLARIDA O‘ZBEKSTON XOTIN-QIZLARINING IQTISODIY HAYOTDAGI ISHTIROKI (TOSHKENT SHAHRI VA TOSHKENT VILOYATI MISOLIDA)	62
9	Jabbarova Iqbol Xo‘jamuratovna SUV XO‘JALIGINI BOSHQARISHDA INSTITUTSIONAL ISLOHOTLAR: O‘ZBEKISTON TAJRIBASI	71
10	Kimsanova Ruxshona Xayrulla qizi SEVINCHIXO‘JAXON VA KELDI MUHAMMADXON DAVRIDA TOSHKENT HUKUMRONLIGI	77
11	Mamataliyeva Arofatxon Yuldashali qizi O‘ZBEK MILLIY OSHXONASI VA PALOV AN‘ANASINING MILLIY BREND SIFATIDA SHAKLLANISHI	85
12	Мусаев Нуриддин Умирзакович РОССИЯ ИМПЕРИЯСИ ҲУКМРОНЛИГИ ДАВРИДА ТУРКИСТОНДА ПАХТАЧИЛИККА ЭЪТИБОРИНИНГ КУЧАЙТИРИЛИШИ	91
13	Musayev Azizbek Baxridinovich MANBALARDA XVII ASR FARG‘ONA VODIYSINING IJTIMOY-SIYOSIY HAYOTI AKS ETISHI	103
14	Nazarov Xumoyun Alisherovich MARKAZIY OSIYO QADIMGI JAMIYATLARI TARAQQIYOTIDA IQLIMIY OMILLAR VA LANDSHAFT TRANSFORMATSIYASI	110
15	Нарбеков Абдикамил Вафаевич ВОПРОСЫ АВТОХТОННОСТИ УЗБЕКОВ В ТУРКЕСТАНЕ	120
16	Normurodov Dilmurod Raxmatullayevich SAMARQAND VILOYATI KATTAQO‘RG‘ON TUMANI “JIZMONSOY” MFY.DAN TOPGAN TANGALAR XUSUSIDA	126

17	Очилдиев Файзулла Бабакулович XIX АСРНИНГ ИККИНЧИ ЯРМИ – XX АСР БОШЛАРИДА ШАРҚИЙ БУХОРОДА БОШҚАРУВ ТИЗИМИ ТАРИХИДАН	144
18	Palvanov Hikmatmatjon Axmatjonovich XORAZM VONASI ANTIK DAVRI METALL HUNARMANDCHILIGINING BA'ZI XUSUSIYATLARIGA DOIR MULOHAZALAR	152
19	Солиев Махмуджон Махамаджонович ОЗИҚ-ОВҚАТ МАҲСУЛОТЛАРИ ТАҚСИМОТИНИНГ ЁПИҚ ТИЗИМИ ИШЧИЛАРНИ ИЖТИМОЙ ҚЎЛЛАБ-ҚУВВАТЛАШ ОМИЛИ СИФАТИДА: ИШЧИ ТАЪМИНОТИ БЎЛИМЛАРИ ФАОЛИЯТИ (1941–1945 йй.)	159
20	Tolibjonov Azizjon Tolibjonovich XORAZMSHOH-ANUSHTEGINIYLAR DAVLATI VA ABBOSIYLAR XALIFALIGI O'RTASIDAGI SIYOSIY ALOQALAR (OTSIZ MAKTUBLARI MISOLIDA)	167
21	Usarov Umid Abdimavlyanovich ROSSIYA IMPERIYA SENATINING A'ZOSI, GRAF K.K. PALEN BOSHCHILIGIDA TAFTISH KOMISSIYASI HISOBOTLARIDA TURKISTON O'LKADAGI YER-SUV MUNOSABATLARINING AKS ETTIRILISHI	174
22	Xakimov Adhambek Ahmadjon o'g'li XIV ASRNING 50-70 YILLARIDA MOVAROUNNAHRDAGI SIYOSIY VAZIYATNI O'RGANISHDA TEMURIYLAR DAVRI MANBALARINING O'RNI	184
23	Xolikulov Axmadjon Boymaxammadovich AMIR HAYDAR HUKMRONLIGI YILLARIDA BUHORO – XIVA MUNOSABATLARI	191
24	Холикулова Шахноза Боймухамматовна ЧИРЧИҚ КИМЁГАРЛАР ШАҲАРЧАСИНИНГ ҚУРИЛИШИ ТАРИХИ	200
25	Юлдашева Шохсанам Юнусали кизи ОСНОВНЫЕ ЭТАПЫ РАЗВИТИЯ МЕЖПАРЛАМЕНТСКИХ СВЯЗЕЙ УЗБЕКИСТАНА И ТУРЦИИ В 2017-2026 ГОДАХ	207
26	Yunusova Xurshida Erkinovna MAMLAKAT QISHLOQ XO'JALIGIDA ISLOHOTLARNING BOSHLANISHI VA UNING MUAMMOLARI	214

Очилдиев Ф.Б.

«Археология ва этнология» кафедре профессори, т.ф.д.

Ўзбекистон Миллий университети

fayzullaochondiev@gmail.com**ХІХ АСРНИНГ ИККИНЧИ ЯРМИ – ХХ АСР БОШЛАРИДА
ШАРҚИЙ БУХОРОДА БОШҚАРУВ ТИЗИМИ ТАРИХИДАН****АННОТАЦИЯ**

Мақолада ХІХ асрнинг иккинчи ярми–ХХ аср бошларида Шарқий Бухородаги бошқарув тизими, мамлакатдаги ижтимоий-иқтисодий ва сиёсий воқеалар, бекликлар сони ва маъмурий бўлиниши ҳамда уларда бўлган ўзгаришлар таҳлил қилинган. Шунингдек, Бухоро амирлиги ижтимоий-сиёсий ҳаётида Шарқий Бухоро бекликларининг тутган ўрни, Шарқий Бухоронинг географияси, унинг манбаларда номланиши, бекликларда амир ва бек навкарларининг жойлаштирилиши ҳамда уларнинг сони каби масалалар ўрганилган.

Калит сўзлар: Бухоро амирлиги, Шарқий Бухоро, Россия империяси, беклик, амлоклик, бошқарув тизим, маъмурий, ҳудудий бўлиниш, ижтимоий, сиёсий, иқтисодий, навкарлар.

КИРИШ

ХІХ асрнинг иккинчи ярмида Бухоро амирлиги тасарруфида 44 та беклик бўлганлиги эътироф этилган. ХХ аср бошларига келиб, эса амирлик таркибида 24 та беклик, 7 та алоҳида амлоклик ва 10 та туман бўлган. Д.Н.Логофет Бухоро амирлиги ҳудудий жиҳатдан 25 та бекликка бўлинишини таъкидлаб ўтган. 1912 йилга келиб, Бухоро амирлигида 26 та беклик ва 11 та мустақил амлокликка бўлган бўлиб улар Бухоро амирга бўйсунган. Бу даврда Шуғнон, Рушон ва Воҳан бекликлари амирлик таркибига кирмай, Россия империяси назорати остида бўлиб келган. Архив манбаларида келтирилган маълумотларда 1915 йилда Бухоро амирлиги 27 та беклик ва 11 та тумандан иборат бўлганлиги қайд қилинган. Мамлакатдаги ижтимоий-иқтисодий ва сиёсий воқеалар, амирликда бекликлар сони ва маъмурий бўлинишида ўзгаришлар бўлишига асосий сабаб бўлган.

ТАДҚИҚОТНИНГ АСОСИЙ НАТИЖАЛАРИ

Бухоро амирлиги тоталитар бошқарув тизимига асосланган бўлиб, давлат бошида амир турган. Вилоятларни беклар ва амлокдорлар бошқарган ва улар ўз навбатида амирга бўйсунган. Мамлакатда давлат бошқаруви тўлалигича шариат қонунлари асосига қурилган. Давлат бошқаруви идоралари марказий ва маҳаллий тизимлардан ташкил топган. Маҳаллий бошқарувда вилоятларни амир томонидан тайинланган беклар бошқарган, бекликлар ўз ўрнида амлокликларга бўлинган. Амлокликлар ўз таркибига бир неча қишлоқларни

камраб олган бўлиб, амлокдорлар бек томонидан тайинланган. Қишлоқларни эса қишлоқ оқсоқоллари бошқарган.

1868-йилги Рус-Бухоро шартномасига қадар Т.С. Бурнашов, И.В. Хаников, А. Борнс, И. Игнatieв, Глуховскийнингларнинг асарларида “Шарқий Бухоро” атамаси ишлатиб келиган. Мазкур худудга Ҳисор, Қабодиён, Кўлоб, Балжувон, Қоратегин ва Дарвоз каби бекликлар “Бухоро амирлигининг шарқий вилоятлари” деган умумий ном остида тилга олиниб маъмурий қисм сифатида келтирилган[1]. Россия-Бухоро шартномаси имзолангандан сўнг ҳам рус ҳарбий-фуқаролик амалдорларининг Бухоро амирлигининг маъмурий тузилишига оид барча маълумотларида Шарқий Бухоро атамаси ишлатилган. Масалан, Л.Н.Соболев, К.А.Абрамов, Л.Ф. Костенко, П. Шубинский, И.Л. Яворский, Н. Стремоухов, Г.А. Арандаренко, Н.Н. Покотило, О.В. Липский, В. Клем, С.П. Мазов каби муаллифларнинг маълумотларида Бухоронинг шарқий вилоятлари Шарқий Бухоро деб юритилган, бироқ унинг аниқ чегаралари кўрсатиланмаган[2].

Д.Н. Логофет, Г. Андреев, А. Губаревич-Радобилский, Н.А. Маев, В.В. Крестовский, Н. Архипов, Н.Б. Соболев, Н. Минаев, Е. Марков, Н.А. Нечаев, В.И. Липский, Белявский, П. Гаевский, А. Галкин, П.И. Лерх, Лилиентал, Р.Ю. Рожовитс, Ю.Д. Южаков, В. Клем, А.К. Снесарев, М.А. Варигин, Василев, Б.Н. Литвинов[3] каби муаллифларнинг асарларида Бухоро амирлиги уч қисмга яъни Ғарбий, Марказий ва Шарқий Бухорога бўлиб кўрсатилган. Шарқий Бухоронинг маъмурий ҳудудий бўлинишига эътибор қаратадиган бўлсак, унинг ҳудуди вақти-вақти билан ўзгариб турган. Баъзи адабиётларда Ғарбий Помирни ҳам Шарқий Бухоро таркибига киритилганлиги тўғрисида маълумотлар мавжуд. Бу асосан, Россия билан келишилган ҳолда Ғарбий Помир вақтинча Бухоро амирлигига берилган даврларга оид хабарларда учрайди. Бухоро амирлиги географиясини белгилашдаги бундай ҳолат, Шарқий Бухоро ҳудудини турлича белгилашга сабаб бўлган.

1908 йилда Шарқий Бухорога ташриф буюрган геолог Н. А. Нечаев унинг маъмурий тузилиши ҳақида қисқача маълумот бериб ўтган. “Шарқий Бухоро афсонавий Помирга бевосита туташ бўлиб, ёввойи табиати ва ўзига хос жозибага эга, аҳоли сийрак яшайдиган тоғли ўлкадир деб ёзган”. Шунингдек, Шарқий Бухоро таркибига кирган Кўлоб беклиги 9 та амлокдорликдан иборат бўлганлигини, бек саройи пахсадан қурилган бўлиб, уни 200-300 аскардан иборат бўлган ҳарбий қисм қўриклашини, Қабодиён ва Қўрғонтепа бекликлари эса атиги учтадан амлокдорлик бўлганлигини таъкидлаган[4]

Россия империяси ва собиқ совет даврида Шарқий Бухоро тарихи масалалари билан шуғулланган тарихчиларнинг барчаси Шарқий Бухоронинг маъмурий тузилишини тасвирлашга катта аҳамият берган. Бироқ ҳозиргача Шарқий Бухоронинг географияси, шунингдек, унинг бекликлари сони тўғрисида ягона фикр мавжуд эмас. Баъзи муаллифлар Шарқий Бухоро ҳудудига ғарбда Бойсундан шарқда эса Ишқошимгача бўлган ҳудудларни ҳамда 14 та бекликни (Ҳисор, Қабодиён, Кўлоб, Балжувон, Қоратегин,

Дарвоз, Шуғнон, Рушон, Ишкошим, Қўрғонтепа, Сариосиё, Шеробод, Денов, Бойсун) киритадилар. Бошқа муаллифлар эса Деновдан Ванжгача бўлган худудни ва 6 та бекликни (Ҳисор, Қабодиён, Кўлоб, Балжувон, Қоратегин, Дарвоз) унинг таркибига қўшадилар. Баъзан маъмурий бўлиниш сифатида Қўрғонтепа ҳам тилга олинади, лекин у вилоят сифатида киритилган. Н. Н. Покотило Шарқий Бухоро таркибига Денов, Қўрғонтепа, Кўлоб, Балжувон, Ҳисор, Сари Жўй, Шеробод, Бойсун ва Қабодиён бекликларини киритган. Қоратегин ва Дарвоз номларини эса тилга олинмаган.

Баъзи рус манбаларида Шарқий Бухоронинг қатта қисми Ҳисор воҳаси деб ҳам юритилганлиги келтирилган. Н.Маевнинг маълумотларига кўра, Ҳисор воҳасида 7 та: Шеробод, Бойсун, Денов, Юрчи, Ҳисор, Қўрғонтепа ва Қабодиён бекликлари мавжуд бўлган. Бу бекликлардан ташқари, Дарбанд, Сарижўй ва Файзобод амлокликлари бўлиб, уларга амлоқдорлар Бухоро амири томонидан тайинлаган.

Бухоро амирлиги ижтимоий-сиёсий ҳаётида вазиятга қараб маъмурий-худудий тузилишида ўзгаришлар бўлиб турган. XVIII асрнинг иккинчи ярмидан XIX аср ўрталарига қадар Сурхон воҳасида Шеробод, Бойсун, Денов ва Юрчи бекликлари мавжуд бўлганлиги манбаларда келтирилган[5]. Шеробод беклиги 1.Талашкон; 2. Саидобод; 3. Гидамбоб; 4. Салавот; 5. Жарқўрғон; 6. Шеробод шаҳри атрофидаги аҳоли масканлари; 7. Таллимарон. каби амлокликлардан иборат бўлган[6]. Бойсун беклиги 1. Бойсун; 2. Яумчи; 3. Работ; 4. Дарбанд; 5. Сайроб; 6. Хатак; 7. Зарабоғ; 8. Пошхурд; 9. Бузравот; 10. Какайди амлокликларидан ташкил топган[7]. Денов беклигида: 1. Сина; 2. Қарлуқ; 3. Пастундара; 4. Хадраша; 5. Дўрмон; 6. Гардикўрғон амлокликлар мавжуд бўлган. Бу даврда Юрчи беклиги ҳам манбаларда келтириб ўтилган. Бу бекликда 1. Сангардак; 2. Пашор; 3. Чамбулоқ; 4. Юрчи шаҳри амлокликлари бўлган. ҳозирги кунда маъмурий жиҳатдан Сурхондарё вилояти таркибига кирувчи Дашнобод, Сариосиё, Сарижўй[8] амлокликлари эса Ҳисор беклиги таркибига киритилган.

Амирликда ижтимоий-сиёсий вазиятга қараб XIX асрнинг иккинчи ярмига келиб, беклик ва амлокликлар таркибида бир мунча ўзгаришлар юз берган. Кап. Васильев бу даврда Бойсун беклигида 1. Бойсун, 2. Пошхурд, 3. Дарбанд, 4. Яумчи амлокликлар бўлганлигини кўрсатиб ўтган[9]. Бойсун беклигидаги Работ, Зарабоғ, Какайди, Хатак, Бўзравот, Сайроб амлокликлари хусусида маълумотлар келтирмаган. Архив манбаларида эса Бойсун беклиги таркибида Бойсун, Яумчи, Работ, Дарбанд, Сайроб, Хатак, Зарабоғ, Пошхурд, Бузравот, Какайди амлокликлари бўлганлиги таъкидланган[10].

XIX асрнинг иккинчи ярмида Шеробод беклигида 1. Талашкон, 2. Саидобод, 3. Таллимарон, 4. Гидамбоб, 5. Жарқўрғон, 6. Солиҳобод амлокликлар бўлиб, 7. Шеробод шаҳри алоҳида бошқарув тизимида эга бўлган. XX аср бошларида эса бу беклик Гидамбоб, Талашқон, Майдаариқ, Саидобод, Жарқўрғон, Паттакесар, Чўчкагузар амлокликларига бўлган[11].

XIX асрнинг иккинчи ярмида Денов беклиги 11 та амлокликка бўлинган (бу даврда Юрчи беклиги амлоклик сифатида тилга олинб, Денов беклиги

таркибига киритилган). Денов беклиги таркибига 1. Сангардак, 2. Пошор, 3. Чамбулоқлар, 4. Ўртақўру, 5. Юрчи, 6. Сина, 7. Қарлук, 8. Постундара, 9. Хадрача, 10. Дўрмон, 11. Гардиқўрғон амлокликлари кирган[12]. Денов беклигидаги амлокликлар сонига эътибор берадиган бўлсак, XVIII аср охири-XX аср бошларида ҳам ўзгармаган. Юрчи беклиги таркибида бўлган амлокликлар Денов беклиги тасарруфига ўтган. Фақат Сангардак, Пашор, Чамбулоқ ва Юрчи шаҳридан иборат бўлган амлокликлар Юрчи беклиги мавжуд бўлган даврларда унинг таркибида бўлган[13].

XIX асрнинг 70-йилларида Ҳисор беги Сарижўйни ўз ўғлига алоҳида беклик қилиб ажратиб берган ва уни ўша жойга бек этиб тайинлаган. Шундан сўнг Шарқий Бухорода Сарижўй беклиги ҳам ташкил топган. У Сарижўй, Сариосиё, Ўртақўри, Пашор, Чамбулоқлар ва Юрчи амлокликларини ўз ичига олган[14]. Маълумотларга кўра, Бухоро амири Ҳисор беги Остонакул Қушбегига оталиқ унвонини бериши билан унга инъом тариқасида олти та амлокликдан иборат Сарижўй беклигини танҳо сифатида тортиқ қилган, ундан келадиган фойда ва даромадлар тўлалигича Остонакулнинг ихтиёрига топширилган. Сарижўй беклиги маълум муддат фаолият кўрсатиб, кейинчалик беклик мақомини сақлаб қолмаган. Манбаларга таянган ҳолда аниқроқ айтадиган бўлсак, у 1887 йилга қадар беклик мақомига эга бўлиб, Сарижўй, Сариосиё ва Денов беклигининг Ўртақўри, Пашор, Чамбулоқлар ва Юрчи амлокликлари унинг таркибида бўлган. 1887 йилдан сўнг беклик тугатилиб, Сарижўй ва Сариосиё амлокликлари Ҳисор беклиги таркибига, қолганлари эса яна Денов беклиги тасарруфига ўтказилган[15].

Шарқий Бухоро бекликларига таркибига ҳозирги кунда қўшни Тожикистон Республикаси ҳудудига кирувчи Ҳисор, Қабодиён, Кўлоб, Балжувон, Қоратегин, Дарвоз, Шуғнон, Рушон, Ишқошим, Қўрғонтепа бекликлари ҳам мавжуд эди. А.Н. Курапаткин XIX аср бошларида Қоратегин, Дарвоз, Кўлоб бир муддат Қўқон мулкларига қўшиб олиниб, бир оз вақт ўтгандан сўнг бу ҳудудлар Қундуз ҳокими тасарруфига ўтганлиги. шу асрнинг ўрталарига келиб, Қундуз ҳукмронлигидан мустақил ажралиб чиқиб бу бекликлар ҳокимлари ўртасида ички тўқнашувлар юз берганлигини таъкидлайди[16]. Бухоро амри Музаффар ҳукмронлигининг бошларида Ҳисор, Кўлоб, Балжувон, Қоратегин ва Дарвоз ҳокимлари асосан ўз мустақилликларини сақлаб ўзларига хос бошқарувга эга бўлишган. Шарқий Бухоронинг забот этилиши натижасида бу ҳудуд Бухоро амирлигининг маъмурий бошқаруви таркибига киритилиб, беклик ва амлокдорликларга бўлиб юборилган.

Кўлоб беклиги 1. Пархар, 2. Чубек, 3. Алимтой, 4. Довути, 5. Қўрғон-Поён, 6. Довути-Қўрғон-Боло, 7. Кўл, 8. Маъмунобод, 9. Кобрай, 10. Сари-Чашма амлокдорликларга бўлинган. Шунингдек, 1.Боло-Дара, 2.Поён-Дара, 3.Кишт, 4.Тагноб, 5. Сари-Ғор, 6. Оринг, 7. Давлатобод, 8. Роғун; шоҳликлар ҳамда Даоба ижарадаги ерлардан иборат бўлган[17]. М.А.Варыгин Кўлоб беклиги Вахш дарёси яқинида жойлашган ҳудудларни қамраб олиб, Чубек, Сайёт, Саричашма, Қоврой, Гарди Қўрғон-Поён, Қул, Мўминобод, Гарди

Қўрғон – Боло амлокликларга бўлиниб бошқарилишини ёзади[18]. Д.Н. Логофет Қўрғонтепа беклиги 1.Сарой, 2.Жалиқўл, 3.Қўрғонтепа. амлокликларга бўлинганлигини эътироф этган. П.Гаевский ҳам ўзининг таъдиқотларида Қўрғонтепа беклигини Жилликўл, Сарой, Қўрғонтепа амлокликларга бўлинганликларини баён қилган[19]. Манбаларда Қабодиён беклигининг маркази Кофарнихон дарёси яқинидаги Қабодиён шаҳрида бўлиб, 1.Қабодиён, 2.Башқан (Бешкент), 3. Боботоғ амлокликларга бўлиб бошқарилганлиги кетирилган[20]. А Бедерский. XIX асрнинг охири – XX аср бошларида Қабодиён беклигини Бешкент ва Бошчарвоқ амлокликларига бўлинганлигини келтириб ўтган[21].

Маркази Балжувон шаҳрида бўлган ва Қизилсув (Сурхоб) дарёси яқинида жойлашган Балжувон беклиги 1. Балжувон, 2. Пушиён, 3. Ховалинг, 4. Кангурт, 5. Сари-Пул, 6. Тут-Қавул, 7. Шайдон, 8. Даштак, 9. Қадди-оби, 10. Сурхоб, 11. Жирғатол (Жўрубқул) амлокликлар ҳамда 1. Шўробдара, 2. Мулло Муроджон, 3. Боймуш, 4. Хурнайча, 5. Зардолушт, 6. Дехтур (Дегтур) ижарадаги (округлар) ерларга бўлинган[22]. Маркази Қалъаи Хумб шаҳри бўлган Дарвоз беклиги Панж дарёси яқинида жойлашган бўлиб, 1. Қалъаи Хумб, 2. Қалъа-Ванч, 3. Зигар, 4. Сағирдашт, 5. Ваҳиё-Боло, 6. Тавилдара, 7. Чилдара, 8. Шикай, 9. Язғулом амлокликларни ўз ичига олган. Қоратегин беклигининг маркази Сурхоб (Вахш) дарёси бўйида жойлашган Гарм шаҳри бўлиб, у 1. Қозоқ (Қирғиз), 2. Қалъайи Лабиоб, 3. Қалъайи Хоит, 4. Гарм, 5. Қамароб, 6. Навдонак, 7. Яхак, 8. Оби - Гарм. Амлокликлар бўлинган[23].

XIX асрнинг иккинчи ярмида Ҳисор Бухоро амирлигининг энг муҳим бекликларидан бири ҳисобланган. Л.Н.Соболев амир Музаффар Зарафшон ва Қашқадарё воҳаларида ҳокимиятни қўлдан берган тақдирда Ҳисорга кетишни мўлжаллаб, у ерда ўзи ва яқинлари учун барча шарт ва шароитниларни ҳозирлаб қўйганлигини таъкидлаган[24]. Ҳисор беклиги 1. Ҳисор, 2. Файзобод, 3. Қоратоғ, 4. Регар, 5. Дашнават, 6. Ўрта Карук, 7. Орол, 8. Султон Работ, 9. Хонақа, 10. Ёвон-Чортоқ, 11. Янгибозор, 12. Душанбе, 13. Мавлоно (Ҳазрати Мавлоно), 14. Норақ, 15. Лақайбеги, 16. Қораманди, 17. Ғози-Малик, 18. Боботоғ, 19. Кофарнихон, 20. Равнақ амлокликларни ўзида бирлаштирган. Кап. Лилиенталь XIX асрнинг охири – XX бошларида Ҳисор беклиги Варзоб, Душанбе, Нурек, Яван, Лақай, Дашнават, Раумат, Ҳисор, Чортон, Ғозималик, Иккинчи Хонақа, Сариосиё, Сарижуй, Кофирнихон, Шурион, Файзобод, Хонақа, Султонравот, Алибеги, Қоратоғ, Регар амлокликлар иборат бўлганлигини эътироф этган[25].

Бухоро амири жануби-шарқий вилоятларидан қаттиқ чўчиб турган ва бу ҳудудларга алоҳида эътибор беришга мажбур бўлган. Шу боисдан ҳам бу ҳудудларда доимий қўшинларининг катта қисми жойлаштирилган. Масалан, XIX асрнинг 70-йилларида Шерободда 300 та, Бойсунда 300 та, Деновда 500 та навкар, 2 та тўп, Сариосиёда-500, та Регарда 400 та, Ҳисорда 400 та навкар ва 11 та тўп, Қўлобда-300 та, Қўрғонтепада-200 та навкар жойлаштирилган[26]

Бекликларда амир ва бек навкарларидан ташқари ҳар бир амлоқдорликларда 10 тадан 200 тагача навкарлар бўлиб, улар асосан ҳарбий хизматни ўташ, бек ва амлоқдор саройини қўриқлаш ҳамда қамокқа маҳкум қилинганларни назорат қилиш, ишларини бажарганлар[27]. Навкарларнинг ижтимоий таркиби турли-туман бўлиб, ҳатто навкарлик хизматига айрим йирик ер эгалари ҳам қабул қилинган. Навкарларнинг мансаб даражаси уларнинг мулкӣ ҳолатига қараб белгиланган. Эсонхўжа амлоқдорлигида 195 та, Бодроклида – 90 та, Ғозималикда – 80 та, Қоратоғ ва Регарда 25 тадан, Хонакада – 24 та, Сарижўйда – 18 та, Шўрконда – 13 та, Дашнободда – 11 та, Сариосиёда – 8 та, Ҳисор амлоқлигида эса – 7 тадан навкар бўлган[28].

ХУЛОСА

XIX асрнинг иккинчи ярмига келиб, амирликда сиёсий вазият анча зиддиятли тус ола бошлади. Маҳаллий ҳокимият вакилларининг мустақиллик учун олиб борган курашлари Бухоро ҳукуматини саросимага солиб қўйди. Айниқса, Шарқий Бухорони бошқариш мураккаб масала бўлиб қолди. Амирликда бошқарув тизими анча инкирозга юз тутиб, маҳаллий бошқарув тизимида ҳам парокандалик юзага келди. Маҳаллий амалдорлар марказий ҳокимиятга бўйсунишни хоҳламай, бошқарувни ўзлари хоҳлаган усулда бошқаришга ҳаракат қилганлар. Бунинг оқибатида маҳаллий бошқарувда зўравонлик, аҳолига зулм ўтказиш, ўз мансабларини суиистеъмол қилиш каби ҳоллар кучайиб кетди. Шунингдек, сиёсий вазиятга қараб бекликлар ва амлоқликларнинг сони ўзгариб турган.

ҲОЙДАЛАНИЛГАН МАНБА ВА АДАБИЁТЛАР РЎЙХАТИ

1. Игнатъева Н Миссия в Бухару и Хиву в 1858 году. – СПб., 1897.; Борнс А. Путешествие в Бухару (1831-1833). – М., 1849.; Ханыков Н.В. Описание Бухарского ханства. – СПб., 1843.; Бурнашов Т.Н. Путешествие от Сибирской линии до города Бухары в 1749 году и обратно в 1795 г. //Сибирский вестник. – СПб., 1881.

2. Абрамов К.А. Записка о Каратегинском владении, составленная по распросным сведениям. // ИИРГО. – Т. II. – Пг. 1915.; Костенко Л.Ф. Средняя Азия и водворение в ней русской гражданственности. – СПб., 1871.; Шубинский П. Очерки Бухары. – СПб., 1892.; Яворский И.Л. Путешествие русского посла по Авганистану и Бухарскому ханству в 1878 - 1879 гг. – Т. I. – СПб., 1882.; Стремоухов Н. Поездка в Бухару // Русский вестник. – Т. 117. – 1875.; Арандаренко Г.А. Дарваз и Каратегин // ВС. – № 11, 12. – 1883.; Покотило Н.Н. Очерк бухарских владений на левом берегу р. Пяндж 1886 г. //СГТСМА. – Вып. XXV. – СПб., 1889.; Липский В.И. Горная Бухара. Ч. 2. / В.И. Липский. – СПб., 1902.; Клем В. Современное состояние торговли Бухарского ханства 1887 г. //СГТСМА. - Вып. XXXIII. – 1888.; Мазов С.П. Восточная Бухара. Бадахшан и сев.Авганистан //Русское дело. - №17. – 1886.

3. Минаев И. Сведения о странах по верховьям Амударьи (1888 г.). – СПб., 1879.; Марков Е., Нечаев Н.А. По горной Бухаре. / Е. Марков, Н.А.

Нечаев. – СПб., 1914. ; Гаевский П. Курган-Тюбинское бекство. //ИРГО. – Т. 55. – Иркутск, 1929.; Лерх П.И. Взгляд на результаты Гиссарской экспедиции. – Ташкент, 1876.; Лилиенталь., Рожевиц Р.Ю., Снесарьев А.К., Варыгин М.А. Опыт описания Куябского бекства. //ИИРГО. – Т. III. 1916.; Васильев. Краткое описание Каратегина. //СГТСМА. – Вып. XXXIII. – СПб, 1888. – С. 24-25.; Логофет Д.Н. Страна бесправия. – СПб., 1909.; Липский В.И. В гостях у Гиссарского бека. //ТС. – Т. 447.; Его же: Гиссарская экспедиция 1896 г. //ИИРГО. – Т. XXXIII. – СПб, 1888.; Снесарев А.К. Восточная Бухара. – СПб.1905.

4.Нечаев А.В. По горной Бухаре. Путевые очерки. – СПб., 1914. – С. 75-76.

5. Холиков З.Э. Термез и Чаганиян в позднем средневековье.: Автореф. дис. ... канд. ист. наук.- Самарканд: 2001. – С. 17.

6. ЎзР МДА, 126-жамғарма, 2-рўйхат, 71-иш, 93-варақ.

7. ЎзР МДА, 126-жамғарма, 2-рўйхат, 71-иш, 92-варақ.

8. ЎзР МДА, 126-жамғарма, 2-рўйхат, 71-иш, 85-варақ.

9. Кап. Васильев. Статистический материал для описания Бухары. Бекство Ширабадское и часть Бойсунского // Сб. геог. топог. и статис. мат. по Азии. – СПб., 1894. Вып. 57. – С. 402.

10. ЎзР МДА, 126-жамғарма, 2-рўйхат, 71-иш, 92-варақ.

11. ЎзР МДА, 126-жамғарма, 2-рўйхат, 71-иш, 93-варақ.

12. Кап. Стеткевичь. Бассейн Каратаг-Дарьи // Сб. геог. топог. и статис. мат. по Азии. - СПб., 1894. Вып. 57. – С. 268.

13.ЎзР МДА, 126-жамғарма, 2-рўйхат, 71-иш, 85-варақ.

14.Туркестанские ведомости. - 1916. —№ 95.

15. Туркестанский сборник. -Т. 483. – С. 144.

16. Курапаткин А.Н. Кашгария. Историко-географический очерк страны. / А.Н. Курапаткин. - СПб, 1879. – С.94.

17. Логофет Д.Н. Бухарское ханство под русским протекторатом . Т.І. / Д.Н. Логофет. – СПб, 1911. – С. 247.

18. Варыгин М.А. Опыт описания Кулобского бекства// Известия, ИРГО. Т.52.1916. –С.770-771.

19. Гаевский П. Курган-Тюбенская бекства// Известия. ИРГО. Т.55. – С.19.

20. Юсупов Ш. Очерки истории Кабадианского бекства в конце XIX – начале XX века. – Душанбе, 1986. – С.22.

21. Бедерский А. О Гиссарском Крае. – С. 155-156.

22. Логофет Д.Н. Бухарское ханство под русским протекторатом . Т.І. / Д.Н. Логофет. – СПб, 1911.– С. 47.

23. Логофет Д.Н. Бухарское ханство под русским протекторатом . Т.І. / Д.Н. Логофет. – СПб, 1911. .– С. 48.

24. Соболев Л.Н. Заметки о Гиссарских владениях и о среднем течении Сурхобь-Дарьи // Известия ИРГО. – СПб., 1873. Т. IX. – С. 309.

25. Кап. Лилиенталь. Гиссарская и Кабодианская бекство // Сб. геог. топог. и статис. мат. по Азии. – СПб., 1894. Вып. 57. – С. 316.

26. ЎзР МДА, 2-жамғарма, 27-рўйхат, 3-иш, 2-варақ.

27. Туркестанские ведомости. 1907. 25 октября

28. Туркестанские ведомости. 1908. 27 мая.

Очилдиев Ф.Б.

DSc., профессор кафедры «Археологии и этнологии»

Национальный университет Узбекистана

fayzullaochildiev@gmail.com

ИЗ ИСТОРИИ СИСТЕМЫ УПРАВЛЕНИЯ В ВОСТОЧНОЙ БУХАРЕ ВО ВТОРОЙ ПОЛОВИНЕ XIX – НАЧАЛЕ XX ВЕКА

АННОТАЦИЯ

В статье анализируются система управления в Восточной Бухаре во второй половине XIX – начале XX века, социально-экономические и политические события в стране, количество бекств и их административное деление, а также произошедшие в них изменения. Кроме того, изучены такие вопросы, как место бекств Восточной Бухары в общественно-политической жизни Бухарского эмирата, география Восточной Бухары, её наименования в источниках, размещение в бекствах наваров эмира и беков, а также их численность.

Ключевые слова: Бухарский эмират, Восточная Бухара, Российская империя, бекство, амляк, система управления, административное, территориальное деление, социальный, политический, экономический, навары.

Ochildiev F.B.

DSc., professor at the department of «Archeology and ethnology»

National University of Uzbekistan

Fayzullaochildiev@gmail.com

ON THE HISTORY OF THE GOVERNANCE SYSTEM IN EASTERN BUKHARA IN THE SECOND HALF OF THE 19th – Early 20th Centuries

ABSTRACT

The article analyzes the governance system in Eastern Bukhara in the second half of the 19th – early 20th centuries, the socio-economic and political events in the country, the number of bekdoms and their administrative division, as well as the changes that occurred in them. The study also examines issues such as the role of the bekdoms of Eastern Bukhara in the socio-political life of the Emirate of Bukhara, the geography of Eastern Bukhara, the names by which it is referred to in sources, the deployment of the emir's and beks' navkars in the bekdoms, and their number.

Key words: Emirate of Bukhara, Eastern Bukhara, Russian Empire, bekdome, amlok, governance system, administrative, territorial division, social, political, economic, navkars.